

ხანგრძლივი პაემნის უფლება პატიმრობის კოდექსის შესაბამისად:

მუხლი 17². ხანგრძლივი პაემნის უფლება

1. ხანგრძლივი პაემანი არის მსჯავრდებულის ამ მუხლის მე-2 ნაწილით განსაზღვრულ პირობებთან ერთად ცხოვრება თავისუფლების აღკვეთის დაწესებულების ტერიტორიაზე, ამისათვის სპეციალურად გამოყოფილ ოთახში, მსჯავრდებულის ან ამ მუხლის მე-2 ნაწილით განსაზღვრული პირობის ხარჯით, ადმინისტრაციის წარმომადგენლის დაუსწრებლად. ხანგრძლივი პაემნის საფასური ძირითადად ხმარდება მისი მიზნების განხორციელებას და ფუნქციების შესრულებას.

1.1. ხანგრძლივი პაემნის უფლებით სარგებლობა შეიძლება განხორციელდეს საფასურის გადაუხდელად, მინისტრის ბრძანებით დადგენილი წესით.

2. მსჯავრდებულს მისი წერილობითი თხოვნის საფუძველზე შეიძლება მიეცეს შვილთან, ნაშვილებთან, გერთან, შვილიშვილთან, მეუღლესთან, პირთან, რომელთანაც საერთო შვილი ჰყავს, მშობელთან (მშვილებელთან), ბებიასთან, პაპასთან, დასთან და ძმასთან ხანგრძლივი პაემნის უფლება.

3. ხანგრძლივი პაემნის მოთხოვნის თაობაზე ადმინისტრაცია წერილობით უნდა იქნეს ინფორმირებული 2 კვირით ადრე. ამ მუხლის მე-2 ნაწილით გათვალისწინებულმა პირმა ადმინისტრაციას უნდა წარუდგინოს ნათესაობის დამადასტურებელი დოკუმენტი.

4. ადმინისტრაცია ხანგრძლივი პაემნის მოთხოვნის თაობაზე განცხადების მიღებიდან არა უგვიანეს 2 კვირისა უზრუნველყოფს ხანგრძლივი პაემნის ორგანიზებას, გარდა იმ შემთხვევისა, როდესაც არსებობს უარის თქმის მოტივირებული საფუძველი, რის თაობაზედაც განმცხადებელი 10 დღის ვადაში უნდა იქნეს ინფორმირებული.

5. ხანგრძლივი პაემანი გრძელდება არაუმეტეს 23 საათისა.

6. ხანგრძლივი პაემანი არ ეძლევათ განსაკუთრებული რისკის თავისუფლების აღკვეთის დაწესებულებაში განთავსებულ მსჯავრდებულს, აგრეთვე იმ მსჯავრდებულს, რომელიც არის საკარანტინო რეჟიმში, დაკისრებული აქვს დისციპლინური სახდელი ან/და შეფარდებული აქვს ადმინისტრაციული პატიმრობა.

7. ხანგრძლივი პაემნის უფლების მიცემის საკითხს წყვეტს თავისუფლების აღკვეთის დაწესებულების დირექტორი.

8. ხანგრძლივი პაემნის უფლების მიცემაზე თავისუფლების აღკვეთის დაწესებულების დირექტორის თანხმობა ან მოტივირებული უარი მსჯავრდებულს წერილობით ეცნობება.

9. ხანგრძლივი პაემნის შეცვლა თავისუფლების აღკვეთის დაწესებულების გარეთ ხანმოკლე გასვლის უფლებით, ხანმოკლე პაემნით ან სატელეფონო საუბრით დაუშვებელია.

10. ხანგრძლივი პაემნისათვის სპეციალურად გამოყოფილი ოთახის პირობები უნდა შეესაბამებოდეს საქართველოს კანონმდებლობით დადგენილ სანიტარიულ-ჰიგიენურ ნორმებს და არ უნდა ლახავდეს ადამიანის ღირსებას.

11. თავისუფლების აღკვეთის დაწესებულებაში ხანგრძლივი პაემნის უფლების განხორციელების პირობებსა და წესს განსაზღვრავს მინისტრი.

ხანგრძლივი პაემნის უფლება პატიმრობის კოდექსის შესაბამისად:

ხანგრძლივი პაემანზე შესასვლელად საჭირო დოკუმენტები

დედა - ბრალდებულის/მსჯავრდებულის დაბადების მოწმობა; ბრალდებულის/მსჯავრდებულის დედის პირადობის მოწმობა.

მამა - ბრალდებულის/მსჯავრდებულის დაბადების მოწმობა; ბრალდებულის/მსჯავრდებულის მამის პირადობის მოწმობა.

მშვილბელი - ბრალდებულის/მსჯავრდებულის დაბადების მოწმობა ან შვილად აყვანის დამადასტურებელი დოკუმენტი; მშვილბელის პირადობის მოწმობა.

ძმა - ბრალდებულის/მსჯავრდებულის დაბადების მოწმობა; ბრალდებულის/მსჯავრდებულის ძმის დაბადების მოწმობა; ბრალდებულის/მსჯავრდებულის ძმის პირადობის მოწმობა (ასეთის არსებობის შემთხვევაში).

და - ბრალდებულის/მსჯავრდებულის დაბადების მოწმობა; ბრალდებულის/მსჯავრდებულის დის დაბადების მოწმობა; ბრალდებულის/მსჯავრდებულის დის პირადობის მოწმობა. (ასეთის არსებობის შემთხვევაში).

შვილი - ბრალდებულის/მსჯავრდებულის შვილის დაბადების მოწმობა; ბრალდებულის/მსჯავრდებულის შვილის პირადობის მოწმობა (ასეთის არსებობის შემთხვევაში).

ნაშვილები - ნაშვილების დაბადების მოწმობა ან შვილად აყვანის დამადასტურებელი დოკუმენტი; ნაშვილების პირადობის მოწმობა (ასეთის არსებობის შემთხვევაში).

მეუღლე - ბრალდებულის/მსჯავრდებულის ქორწინების მოწმობა; ბრალდებულის/მსჯავრდებულის მეუღლის პირადობის მოწმობა.

პაპა - ბრალდებულის/მსჯავრდებულის დაბადების მოწმობა; ბრალდებულის/მსჯავრდებულის დედის ან მამის დაბადების მოწმობა (ვისი მხრიდანაც არის პაპა); ბრალდებულის/მსჯავრდებულის პაპის პირადობის მოწმობა.

ბებია - ბრალდებულის/მსჯავრდებულის დაბადების მოწმობა; ბრალდებულის/მსჯავრდებულის დედის ან მამის დაბადების მოწმობა (ვისი მხრიდანაც არის ბებია); ბრალდებულის/მსჯავრდებულის ბებიის პირადობის მოწმობა.

შვილიშვილი - ბრალდებულის/მსჯავრდებულის შვილის (ვისი შვილიცაა ვიზიტორი) დაბადების მოწმობა; ბრალდებულის/მსჯავრდებულის შვილიშვილის დაბადების მოწმობა; შვილიშვილის პირადობის მოწმობა (ასეთის არსებობის შემთხვევაში).

გერი - გერის დაბადების მოწმობა; გერის მშობელთან ბრალდებულის/მსჯავრდებულის ქორწინების რეგისტრაციის მოწმობა; გერის პირადობის მოწმობა (ასეთის არსებობის შემთხვევაში).

ხანგრძლივი პაემნის უფლება პატიმრობის კოდექსის შესაბამისად:

პირი, რომელთანაც ბრალდებულს/მსჯავრდებულს ჰყავს საერთო შვილი - საერთო შვილის დაბადების მოწმობა; ვიზიტორის პირადობის მოწმობა.

გ ა ი თ ვ ა ლ ი ს წ ი ნ ე თ !!!!

- ხანგრძლივ პაემანზე შესასვლელად ვიზიტორმა უნდა წარმოადგინოს შესაბამისი დოკუმენტის დედანი ან ნოტარიულად დამოწმებული ასლი.
- ხანგრძლივ პაემანზე შესაძლებელია შევიდეს ერთდროულად მხოლოდ 1 სრულწლოვანი ვიზიტორი, რომელსაც შეიძლება ახლდნენ ხანგრძლივი პაემნის უფლების მქონე არასრულწლოვანი პირებიც (დაწესებულებაში არსებული ინფრასტრუქტურის გათვალისწინებით).
- 14-დან 18 წლამდე არასრულწლოვანმა სხვა დოკუმენტებთან ერთად უნდა წარმოადგინოს პირადობის დამადასტურებელი მოწმობა/პასპორტი.
- თუ ჩამონათვალში მოხსენიებული საბუთის მფლობელს შეცვლილი აქვს სახელი ან გვარი, ვიზიტორმა უნდა წარმოადგინოს გვარის (სახელის) შეცვლის დამადასტურებელი დოკუმენტი. მაგ. გვარის (სახელის) შეცვლის მოწმობა, ქორწინების მოწმობა და ა.შ.
- ხანგრძლივი პაემანი გრძელდება არაუმეტეს 23 საათისა.
- დაწესებულებაში შესაბამისი ინფრასტრუქტურის არარსებობის შემთხვევაში სრულწლოვან პირთან თანმხლები ერთზე მეტი არასრულწლოვანი პირი/პირები შესაძლებელია ხანგრძლივ პაემანზე იმყოფებოდეს/იმყოფებოდნენ დღის 16.00 საათამდე.
- ერთზე მეტი არასრულწლოვანის ყოფნის შემთხვევაში ხანგრძლივ პაემანზე მისული სრულწლოვანი პირი ვალდებულია დაწესებულების ადმინისტრაციას წინასწარ აცნობოს იმ პირის ვინაობა, რომელსაც დღის 16.00 საათის შემდგომ ჩააბარებს არასრულწლოვანს/არასრულწლოვანებს.
- თითოეული ხანგრძლივი პაემნის საფასურის ოდენობა განისაზღვრება 60 ლარით.
- ხანგრძლივი პაემნის საფასურის გადახდა უნდა მოხდეს პაემნის განხორციელებამდე.
- ხანგრძლივი პაემნით სარგებლობისათვის დაწესებული საფასურის გადახდისაგან თავისუფლდებიან სტუმრები, რომლებიც რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში. ამ შემთხვევაში სტუმრები ვალდებულები არიან წარადგინონ სოციალურად დაუცველი ოჯახების მონაცემთა ერთიან ბაზაში რეგისტრირების თაობაზე, საქართველოს შრომის, ჯანმრთელობისა და სოციალური დაცვის სამინისტროს

ხანგრძლივი პაემნის უფლება პატიმრობის კოდექსის შესაბამისად:

სახელმწიფო კონტროლს დაქვემდებარებული საჯარო სამართლის იურიდიული პირი-სოციალური მომსახურების სააგენტოს მიერ ოფიციალურად დამოწმებული დოკუმენტი დანიშნული პაემნის არაუგვიანეს წინა სამუშაო დღეს.

საზოგადოებრივი მსახურები